



VICTORIA POLICE

Cabashooyinka iyo Bogaadinta

Cabasho ka-samaynta booliiska

Victoria Police wuxuu ballan-qaadayaa inuu bixiyo adeeg booliis oo tayo leh iyo hubinta in shaqaalaheenu muujiyaan heerarka ugu sarreeya hababka xirfad-yaqaanimo ah, damiir iyo amaano leh. Waxaan aqoonsanahay in shaqaalaheenu iyo fulinta adeegeena inaysan mar kasta gaarayn qiyaastii laga doonayey iyo in cabashada ay naga caawinayso inaan ogaano oo saxno dulduleelada.

Dib-u-eegidda cabashooyinka intii muddo ah waxay kaloo ka caawinaysaa Victoria Police inay si fiican u ogaadaan sababaha ugu waaweyn ee qanacsanaan la'aanta macaamiisha iyo ka-qaadida tallaabada.

Victoria Police wuxuu ku dadaalayaa inuu kalsooni buuxda ku qabo bulshada. Nadaamka ugu weyn ee hubinta amaanaada booliiska waa habraaca wax-ka-qabashada cabashooyinka. Waxaad xaq u leedahay:

- Inaad cabato markii aadan ku qanacsanayn adeegga uu bixiyo Victoria Police.
- In cabashadaada si daran loo qaato, iyo
- In laguula dhaqmo si xushmad iyo ixtiraam leh.

Caddaallad

Victoria Police wuxuu ballan-qaadayaa inuu caddaallad ka sameeyo habraaceeda cabashada taasna macnaheedu waa in,

- Labada qaybood ee cabashada ay xaq u leeyihiin in la dhagaysto iyo in fikradahooda la tixgeliyo.
- Dhammaan macluumaadka khuseeya kayska in la tixgeliyo, iyo
- In go'aansameeyuhu u caddaallad falo oo uusan eexan.

Caawimaad

Caawimaad ayaa la heli karaa haddii aad caawimaad uga baahan tahay inaad soo gudbiso cabasho. Taasna waxaa ka mid ah diyaarinta turjumaan tababaran ee luqadda aad jeceshahay ama haddii aad dhagoole tahay, maqalka ama hadalka ka dhantaalan tahay, aad isticmaasho Adeegga National Relay Service (www.relayservice.gov.au).

Waqtiga

Waxaa jira waqtiyo xadidan oo wax looga qabto cabashada, in kastoo qaar ay qaadan karaan muddo ka dheer kuwa kale. Markaad samayso cabasho, waa in lagu sheegaa inta uu qaadanayo habraacaas lagulana socodsiiyaa meesha wax marayaan.

Sida loo sameeyo cabashada

Waxaad ula xiriiri kartaa saldhiga booliiska qof ahaan, taleefan ahaan ama qoraal ahaan. Ka hel faahfaahinta xiriirka website-ka Victoria Police, www.police.vic.gov.au meeshay ku taal 'Your local police'.

Sidaas baddelkeeda, waxaad cabashada ku samayn kartaa adigoo warqad u qora, Police Conduct Unit, GPO Box 913, Melbourne VIC 3001, ama e-mail u-dira: psc-policeconductunitcomplaintsandcompliments@police.vic.gov.au ayadoo la marayo website-ka Bogaadinta iyo Cabashooyinka oo laga helo www.police.vic.gov.au ama adoo dira taleefanka 1300 363 101.

Cabashada waxaa kaloo si toos ah loogu diri karaa Independent Broadbased Anti-corruption Commission (IBAC).

Waxaad hubisaa inaad haysato koobiga wixii warqad aad dirto. Qoraal ka samee taariikhda iyo magaca qofka aad la hadashay iyo waxay ogolaadeen inay samaynayaa.

Markii aad cabashada samaynayso

- Sheeg wixii macluumaad ah oo ku saabsan cabashada intii suurtagal ahaba. Tana waxaa ka mid ah markii iyo halkii ay dhacdadu ka dhacday, magacyada saraakiisha ay khuseyso, faahfaahinta marqaatiga, dokumantiyada iyo wixii kale oo caddayn ah oo kaabaya ama sheegaya caddaynta cabashada.
- Waxaa lagu weydiin karaa inaad samayso caddayn qoraal ah ama inaad ka qaybgasho wareysi la duubayo. Weydiiso wixii caawimaad ah haddii aad u baahan tahay.
- Ilaali ballamaha iyo kulanada iyo haddii aysan suurtagal ahayn inaad timaado, usheeg qofka ay khuseyso inuu ogaado.

Sidee baa cabashadayda wax looga qabanayaa?

Habka loo sameeyo cabashada badanaa wuxuu ku xiran yahay dabiicadda asluubta aan xirfad-yaqaanimada ku salaysnayn iyo arimaha meesha ku jira. Cabashooyinka la xiriira wada-hadalka iyo arimaha adeegga macaamiisha waxaa wax looga qaban karaa habraaca 'Xallinta Maaraynta Deegaanka' ah.

Cabashooyinka asluubta aan xirfad-yaqaanimada ku salaysnayn waxaa wax looga qabtaa baarista rasmiga ah oo la sameeyo.

Waa maxay Xallinta Maaraynta Deegaanka ah?

Ujeeddada habkan waa in lagu xalliyo cabashada heer deegaan ayadoo la dhiirigelinayo wada-hadalka u dhaxeeya adiga, sarkaalka xallinta (kaas oo ah kormeere booliis oo deegaanka ah) iyo shaqaalaha booliiska howshu khuseyso.

Sarkaalka xallinta wuxuu ku weydiin doonaa natiijada aad doonayso inay soo baxdo wuxuuna la hadli doonaa adiga iyo shaqaalaha booliiska ayadoo ujeedku yahay xallinta cabashadaada.

Habraacani wuxuu khuseeyaa guud ahaan cabashooyinka ujeeddadeeduna waa in si degdeg ah loo xalliyo cabashooyinka u dhaxeeya qaybaha.

Ugu dambayntii, waxaad heli doontaa talooyin qoraal ah oo ku saabsan natiijada iyo haddii aadan ku faraxsanayn sida wax looga qabtay cabashadadii waxaad la xiriiri kartaa IBAC.

Waa maxay baarista rasmiga ah?

Baarista rasmiga ah waxaa sameeya baareyaasha Victoria Police kuwaas oo ka madaxbannaan shaqaalaha booliiska ama saldhigga cabashada loo haysto, waxayna awood u leeyihiin inay wareysi sameeyaan, ayna ururiyaan dhammaan wixii caddaymo ah oo khuseeya baarista.

Baarisyan badan waxay qaataan waqti dheer in la soo dhammeeyo ayadoo inta lagu jiro habka baarista, aad xaq u leedahay inaad la xiriirto baaraha aadna ka dalbato talooyin ku saabsan xaalka baarista.

Warbixinnada waxaa loo soo gudbiyaa maareyayaasha khibrada leh si ay dib-ugu-eegaan adna waxaad heli doontaa talooyin qoraal ah ee natiijada soo baxda.

Dhammaan faylasha baarista iyo arimaha cabashada waxay sii mari karaan dib-u-eegid dheeraad/baaris ah oo ay samayso IBAC, waxaadna xaq u leedahay inaad la xiriirto IBAC haddii aadan ku faraxsanayn sida wax looga qabtay cabashadaadii.

Sii-wadida cabashada

Haddii aadan ku faraxsanayn sida wax looga qabtay cabashadadii, waxaa jira haya'do dib-u-eegi kara ama sii baari kara cabashadaada.

Baarista ay haya'dahaas ku sameeyaan cabashadaada way ka duwan tahay wixii habraac dib-u-eegid ah ama wixii ciil-qab ah oo ka dhaca gudaha Victoria Police.

Faahfaahinta xiriirku waa:

Independent Broad-based Anti-corruption Commission (IBAC)

GPO Box 24234, Melbourne, VIC 3001

Taleefanka: 1300 735 135

Fakiska: (03) 8635 6444

Website-ka: www.ibac.vic.gov.au

Victorian Equal Opportunity & Human Rights Commission (VEOHRC)

Level 3, 204 Lygon Street, Carlton 3053

Taleefanka: 1300 891 848

Fakiska: 1300 891 858

Email-ka: enquiries@veohrc.vic.gov.au

Website-ka: www.humanrightscommission.vic.gov.au